

# Москвад сай пәтр тосхгдхмн

Москва — тосхлтин моднд чивнә. Тосхлтин индустрин 250 минъгън кӧдлӧчнр балгъсна олн зӱсн ӧнъгд кӧдлджӧнә. Тедн хуучн уульнцсиг шинрӱлад, шин райодар гермӱд тосхцхана. Эн джил москвичнр ӧмтн бӧӧх сай гар квадратн метр бӧӧр авчкв.

1945 джилӧс авн 1957 джил кӱртл Москвад 300 минъгън пӧтр тосхгдв. 1965 джил кӱртл москвичнр дакн 700 минъгън пӧтр авхмн. 20 джилин эргцд сай пӧтр авх болдж гарчана!

Удл уга хотл балгъсна эзджӧх бӧӧрн, революцин ӧмнк хуучн Москвала дӱнъцӱлхд,

дӧрвн холван ик болдж гархмн.

«Север — Юг» болн «Солянк — ЗИЛ» гидг радиальн хаалгъс тосхгдхмн.

Хотл балгъснд кӧлгн улм делгрдж ӧсхмн. Эн джилин чилгчӧр, олн тосхлт кегдджӧх ик гидг район Юго-западиг балгъсна центрлӧ метрон хаалгъ негдӱлхмн.

Москван тосхачнр удл уга, Крюково станцин районд, хотл балгъсна тӱрӱн дахуль болгч шин балгъс тосхлгън эклхмн, тер балгъснд 1963 джил 65 минъгън кӱн бӧӧдг болхмн.

(ТАСС).